

飴山堂詩文集

冊三

鉛山文集序

國朝龍興百數十年以來北方之學山左爲盛其起家科目掉鞅文苑者順治丁亥則宋荔裳戊戌則王阮亭康熙甲辰則田山薑己未則趙秋谷四先生其尤著也三先生詩若文予皆嘗津逮焉惟秋谷先生但見其詩未見其文乃今始從六泉明府受而讀之歎其卓然爲一大宗必傳於後無疑也古今來論文者多矣大要讀書爲入門第一事乃嚴儀卿之論詩曰詩有別才非關學問而空疎之子樂其說之便於己也并移而之文夫詩歌一道固不專以隸事爲能然惟讀書愈多則醞釀愈深格力愈進凡真詩人未有不學者也而況於文乎自夫不學者之欲掩其陋也簸弄小慧馳騁筆鋒輒詭託於妙悟予不謂文無妙悟也顧入門第一事已失之矣遑問其他粗淺者尙弗克涉獵而直造精微有是理哉高其心空其腹開口便誤搖筆卽漏典故則取類書也文字則據字彙也無論奇篇祕籍卽九經之

傳注義疏廿一史之誌表紀傳都未窺尋安得號於人曰文家文家
歟先生負絕異之姿弱齡通籍固已遍採中祕所藏中歲退閑益得
大肆其力於學根柢槃深枝葉峻茂故其立言皆有依據視世俗之
傭耳僦目嚮壁虛造者若莛楹也或難予曰先生之文瀏灑頓挫清
絕滔滔曷嘗屑屑焉炫博爲予曰是乃先生之所以爲讀書種子者
也文貴胸中有書筆下無書有識者於其空運之文而知其從讀書
中來矣今集中文具在其犖犖大者固已包羅旁魄鉤精剔玄詩則
攷其名物禮則歸之正俗卽旁及老莊陰符各法諸家與夫術數方
伎之言皆一一剖析其源流洞若觀火揚子雲不云乎寡聞則無約
寡見則無卓先生博學故能約能卓而淺嘗薄殖者何由望其項背
耶集名飴山者先生嘗攷得淄水所出之原山漢書晉書及水經注
皆以爲在泰山郡之萊蕪縣淮南子謂之飴山下及元初地入青州
益都路先生所居在山下故以名其集云予詞館後進何敢妄加品

評然竊嘗論之以爲先生博學高文視宋王田殆有過之無不及焉而六泉抱俊才爲循吏善承其家學與予尊酒論文若合符契遂出斯集命爲之序予夙昔慕先生久恨生晚未獲望見顏色今得挂名末簡有光榮焉故不辭而僭書其鄙見如此乾隆癸巳仲秋吳郡後學王鳴盛再拜謹撰

此為試校，需要完整PDF請訪問 www.ctext.org/

序

少聞山左漁洋先生詩爲海內宗獨其鄉趙秋谷先生爲談龍錄以
譏之心異其人偶有傳先生詩者風致格律出自虞山馮氏故足與
漁洋分道揚鑣而未見其文起元辛丑座主田公先生所取士也元
曾以門下士禮謁迄今三十年矣元來主灤源講席先生已謝世久
從先生猶子芝圃所得讀先生鉛山詩集未幾令嗣念以先生遺文
屬訂且索序言元不文何敢以爲受而讀之則幸甚夫子美無文子
固無詩蓋兼美之難也然古人於所不能兼者謝之後人於所不能
兼者張之歷下李滄溟先生以詩爲有明七子冠當時亦並稱其文
余讀其集率薈萃左國成語如沙門懷仁集右軍書爲聖教序閱者
知爲右軍而不知爲懷仁復不能知聖教序之遂若出右軍手使人
忘其爲集者則以擇撻割剝之痕具在也以至官名郡邑率從古稱
直使讀者忘其爲明代之文而以爲古人之文求所爲李滄溟者然

有也亦摹古之極弊歟先生平日深疾規撫剽賊之態既浸淫六籍百代之書而筆足以達所欲言故能以詩之餘力肆於爲文則誠哉其兼之者也昔昌黎送孟東野序謂凡物不得其平則鳴乃其所稱引非盡有所不平者不平獨東野耳卽東野晚而始就進士旣得卽去非有忌媚傾軋而擠之窮者亦宜無所爲不平若先生則固有所不平矣先生負雋才年十七冠其鄉薦捷南宮登詞館才氣魄力俯視屈宋文風士氣行且魁柄一時乃以微眚被斥蓋若有陰中之者旣一跌不復振負其才無所施偶觸於文不自知其鋒銛鏘厲激盪低昂以攄其瑰磊之概不平之鳴固如是夫使先生久立於朝展所欲爲將所爲和其聲者必有俯仰揖讓大異於茲集者然正唯不平之鳴故短篇雜著皆有一飴山先生之聲咳面目栩栩行墨間豈若滄溟之文之更無所爲滄溟哉乾隆甲戌六月門下晚生婁東沈起

鉛山文集序

益都趙秋谷先生嘗僦屋吳中葑溪上作爲詩歌以爭奇山水時擬之李泛洞庭杜出夔州余家去吳中百里許幼習聞其事卽慕其爲人及余視學山左乃得見鉛山詩集蓋取向葑溪與其懷舊集數種而合刻者先生文孫頤將並梓其遺文因請余言弁其端余思詩以杜爲聖而亦稱杜爲詩史今先生詩世已具見而其文獨長於指敘類多碑碣墓誌之作竊謂體近於史顧聞文章史才最難我鄉茅氏論次唐宋大家文以韓碑誌多奇崛險譎不得史漢敘事法而柳則沿六朝之遺三蘇接構裁剪非所長獨歐陽爲得史公之髓而王荊公又於史漢外別爲三昧先生少負奇才嗣史官自司馬班蔡氏以下旣能各取其長而顧以己之蹶不復起窮愁鬱積無可攄洩慨然念先世之言行及平日四方師友之舊與夫身所及潛遁幽抑之士之將就泯沒俱可於文發之而其中感慨俊逸點綴風刺庶幾由歐

陽荆公上追司馬班蔡成一家言備後日史官所採取而又見當代
鉅公高文諛墓炫惑後來故嘗有詩云中郎無愧至今稱因憶昌黎
豈近名與所題懷舊諸小傳或汲欲表暴或又不欲私爲敘述蓋其
寄意并在言外然則觀先生詩而文將在是卽其文而詩之自寫性
真無所緣飾愈益可想見矣則雖遭際與前人有不同而其用心蓋
亦欲使讀者相與激發夫豈異乎哉先生之學出馮氏集內所爲鈍
吟集序蓋卽其自道然欲云齊文章是非合道與治而一之倘非如
先生其人不足語此而惜乎余不及先生數遊吳中時遂與上下其
議論也乾隆壬午冬日吳興後學閔鶚元頓首拜書

飴山文集總目

卷之一

山西策問五道

卷之二 序

山西鄉試錄序

鈍吟集序

毛詩名物疏鈔自序

沈東田詩集序

南崖集序

王竹村詩集序

觀山堂詩集選序

馮舍人遺詩序

栖雲閣詩序

田文端公遺詩序

禮俗權衡自序

酒令陞官譜自序

卷之三 序 跋

譚子化書後跋

千金歌註自序

千金歌註後跋

葬經改註自序

葬經改註後跋

地學解穢自序

地學解穢後跋

刪潤地學庭訓序

彊善叢鈔序

去非錄序

卷之四 序

賀族伯恭如立嗣子序

恭祝羅老夫子仁壽序

壽張安吉序

壽徐養蒙序

壽翁母王太夫人序

送閣復申歸山陽序

送晉二生歸應鄉賦序

卷之五 碑記

青州南陽橋碑記

峨嶺文昌宮重修記

趙氏北支先祠碑記

重修順德夫人墳院記

大河北岸新建山東行館碑

重修興隆觀碑

耿益都東歸擁馬圖記

藏硯記

卷之六 傳 哀辭 誄辭

王壽州傳

房舍人傳

興安州知州賈君傳

孫中郎家傳

兩馮君家傳

史夫人家傳

張孺人家傳

韓室孫氏傳

張母王夫人哀辭

叔曾祖道遠府君誄辭

卷之七 墓誌銘

張芹泚墓誌

趙浮山墓誌

林菴杜先生墓誌

鹿關田君墓誌

潛邱先生墓誌

恕齋孫府君墓誌

東岑潘君墓誌

敏菴劉公墓誌

卷八 太學生張先生墓誌

卷之八 墓誌銘

慈峨王君墓誌

王岸圃墓誌

邁千王君墓誌

處士秦君墓誌

伯績張先生墓誌

退菴馮君墓誌

八叔父墓誌

濬鄰叔父墓誌

九叔父墓誌

季父仔大府君墓誌

卷之九 墓表 神道碑

豹岳唐公墓表

山陽劉君墓表

復公金君墓表

涇陽劉君神道碑

卷之十 行實 行狀 行略

先叔祖韞退公行實

鐵菴翁君行狀

先府君行略

亡室孫孺人行略

卷之十一 祭文

祭李晉侯別駕文

祭九舅大人文

祭焦立庵吏部文

祭馮退菴文

重修先祠告先中大夫文

祭長兒愚文

卷之十二 雜文

原山考

分境議

重修萬年橋募緣文

葺理文筆峯小引

題聖教寺舊帖

題顏真卿小字麻姑壇記

題杜審言集

題王麓臺畫卷

題仲翰村紅媚贈詞記

題幼子慶賦稿